

Ukiumoortumik nalunaarusiaq 2019

Nuummi Meeqqanut Ilaqutariinnullu Sullissivik



Imarisai

Aallaqqaasiut	3
Aaqqissuussaaneq	3
Aqutsisut.....	5
Sulisutut ineriartorneq	5
Ilinniaqqinneq.....	5
Akissarsiat pillugit isumaqatigiissut nutaaq.....	6
Napparsimalluni sulinningitsoortarnerit.....	6
Neqeroorutininik nassuiaat	6
Meeqqanut Ilaqutariinnullu sullissivik.....	6
Qimarnguik Krisecenter	7
Ivaaq	7
Kuserneq.....	8
Ilaqutariinnut siunnersortit angalasartut	8
Aningaasaqarneq aamma allaffissorneq	9
Namminersorlutik Oqartussanut qinnuteqaat	10
Biilit.....	10
Ineriartorneq	10
2020-mi anguniakkat	11
Kisitsisitigut paasissutissat takussutissartaat	11



Aallaqqaasiut

Ukiuortoortumik nalunaarusiami 2019-imi suliffeqarfiup ingerlatai, ingerlatsinermut kisitsisit suliffeqarfimmilu sulisut pillugit paasissutissat ilanngullugit, nassuiaatigineqarput. Ukioq manna nalunaarusiaq siornamit allaanerulaartumik isikkoqarpoq. Ukiup ingerlanerani Meeqqanut Ilaqutariinnullu Sullissivik pillugu arlalinnik nassuiaasiortoqartarnera kiisalu kvartalikkaartumik nutaarsiassanik saqqummersitsisoqartarnera tamatumunnga pissutaavoq.

Aaqqissuussaaneq

Tabelini tulluuttuni 2019-imi Nuummi Meeqqanut Ilaqutariinnut Sullissivimmi (maannamiit BFC) sulisut amerlassusilerneqarnerat kiisalu 2019-imi decembarimi atorfiit qassit inuttaqarnerut takuneqarsinnaapput.

Meeqqanut Ilaqutariinnullu sullissivik		
Atorfiup taaguutaa	Sulisut amerlassusissaat	Atorfiit inuttalerneqarsimasut
Immikkoortortaqaqfimmiluaqutsisoq	1	1
Katsorsaanermi aqutsisoq	1	0
Tarnip pissusaanik ilisimasalik	3	2*
Ilaqutariinnut siunnersorti	7	7**
Ilaqutariinnut katsorsaasartoq angalasartoq	2	2
Pedel	1	1
Allaffissornermi suleqataasoq	1	1
Katillugit	16	?

Nassuiaat:

* 2019-imi tarnip pissusiinik ilisimatuuat atorfik ataaseq inuttalerneqarpoq, aatsaalli 1. februaari 2020 aallartissaaq.

**2019-imi ilaqutariinnut siunnersortit atorfiit marluk inuttalerneqarput, aatsaalli 1. januaari 2020 aallartissapput.

Ivaq		
Atorfiup taaguutaa	Sulisut amerlassusissaat	Atorfiit inuttalerneqarsimasut
Katsorsaanermi aqutsisoq	1	1
Ilaqutariinnut siunnersorti	7	8*
Katillugit	8	9

Nassuiaat: *2019 tamangajaat Ivaami ilaqutariinnut siunnersorti ataaseq Qimarnguimmut atasimavoq. Tamatuma saniatigut pineqartoq ulloq 1/12-19-imiit ukioq ataaseq sulinngiffeqarpoq.

2019-imi ilaqutariinnut siunnersortit atorfik ataaseq inuttalerneqarpoq, aatsaalli 1. januaari 2020 aallartissalluni.



Kuserneq		
Atorfiup taaguutaa	Sulisut amerlassusissaat	Atorfiit inuttalerneqarsimasut
Katsorsaanermi aqutsisoq	1	1
Katsorsaasoq	1	0
Siunnersortitut assistenti	1	1
Ilaqutariinnut siunnersorti	5	4
Katillugit	8	6

Qimarnguik		
Atorfiup taaguutaa	Sulisut amerlassusissaat	Atorfiit inuttalerneqarsimasut
Katsorsaanermi aqutsisoq	1	1
Isumaginninnermut siunnersorti	1	1*
Katillugit	2	2

Nassuiaat: 2019-imi isumaginninnermut siunnersortitut atorfik ataaseq inuttalerneqarpoq, aatsaalli 1. februaari 2020 aallartissaaq.

2019-imi atorfiit inuttaqanngitsut

BFC-mi sulisorpassuit 2019-imi taarseraannerat assut sunniuteqarsimavoq. BFC-mi 2019-ip ingerlanerani ilaqutariinnut siunnersorti ataaseq, tarnip pissusiinik ilisimatoq ataaseq kiisalu katsorsaanermi aqutsisoq ataaseq atorfirminnit soraarput. 2019-ip ingerlanerani arlaleriarluni tarnip pissusiinik ilisimatuutut atorfiit arlallit inuttassarsiuunneqarsimapput. Siullermik tarnip pissusiinik ilisimatuutut atorfiit pingasut inuttassarsiuunneqarput, ajoraluartumilli atorfinnut naleqquttunik qinnuteqartoqanngimmat atorfiit uninngatinneqarallarput. Atorfiit decembarimi inuttassarsiuunneqarqipput. Tassani tarnikkut katsorsaasumik (psykoterapeut) atorfinitsitsinissaq aalajangiunneqarpoq - aatsaalli 1. februaari 2020 aallartissaaq. Taamatuttaaq meeqqat angerlartinneqarnissaannut tunngasut pingaarnerutillugit ilaqutariinnut katsorsaasutut atorfiit pingasut decembarimi inuttassarsiuunneqarput. BFC-mut marluk kiisalu Ivaami atorfinittussatut ataaseq. Atorfiit pingasut tamarmik inuttassarsipput - 1. januaari 2020 aallartissapput. 2019-imi sulisut tungaatigut Ivaq assut patajaatsumik ingerlavoq, atorfiillu tamarmik inuttaqarput. Taamatuttaaq Kusernermi assut patajaatsumik sulisoqarpoq, tassani 2019-ip ingerlanerani ilaqutariinnut siunnersortitut atorfiit pingasut inuttalerneqarput. Taamaattorli suli ilaqutariinnut siunnersorti ataaseq kiisalu tarnikkut katsorsaasoq (terapeut) ataaseq amigaataavoq. Tamatuma

saniatigut Qimarnguimmi isumaginninnermut siunnersortitut atorfik ataaseq
inuttassarsiuunneqarsimasoq inuttalerneqarpoq. Ulloq 1. februar 2020 aallartissaaq.

Aqutsisut

BFC-mi aqutsisut sisamanut amerlassusiligaapput, tassa BFC-mi, Ivaami, Kusernermi Qimarnguimmilu kiisalu BFC-mi immikkoortortaqarfimmi aqutsisoq. BFC-mi katsorsaanermi aqutsisutut atorfiup inuttaqannginnera pillugu maannakkut taamaallaat katsorsaanermi aqutsisut pingasuupput kiisalu immikkoortortaqarfimmi aqutsisoq ataaseq.

Katsorsaanermi aqutsisup ulluinnarni katsorsaanermik suliaqarnermik ataqatigiissaarinissamik suliallu pitsaassusaannik ineriartortitsinissamut akisussaasuvoq.

Immikkoortortaqarfimmi aqutsisoq periusissianut, aningaasaqarnermut, allaffissornermut sulisunullu tunngasunut akisussaasuvoq.

Tamatuma saniatigut Immikkoortortaqarfimmi aqutsisoq BFC-mi suliniutit arfinillit akornanni ataqatigiissaarisartussaavoq (angalaqatigiit, Qimarnguik, Ivaaq, Kuserneq, nakkutigisamik peqateqartitsineq aamma BFC). Tamatuma saniatigut Meeqqanut Ilaqutariinnullu Ingerlatsivimmi aqutsisunut assigiinngitsunut immikkoortortaqarfimmi aqutsisoq ataqatigiisitsisartuuvoq.

Sulisutut ineriartorneq

Ukiumut ataasiarluni sulisup ineriartornera pillugu oqaloqatigiinneq (MUS) tunngavigalugu sulisut tamarmik aamma aqutsisup ineriartornera pillugu oqaloqatigiinneq (LUS) tunngavigalugu katsorsaanermut aqutsisut tamarmik oqaloqatigineqartarput.

Ilinniaqqinnissamut akuersissuteqarnissamut MUS toqqammaviliisuusarpoq.

Ilinniaqqinneq

2019-imi immikkoortortaqarfimmi aqutsisumik atorfinitsitsinermit atatillugu malittarisassaliorpoq, tassa sulisoq ataaseq ilinniaqqinnernik assigiinngitsunik arlalinnik annertuunik ataatsikkut ingerlatsisussaannnginnera pillugu. Tamatuma saniatigut ilinniaqqinnissamut neqeroorutit tamarmik suliarnut attuumassuteqartut sulisunut tamanut nassiunneqartalerput, taakkulu namminneq pikkorissarnissamut soqutiginninnerlutik aalajangiiffigissavaat, tamatumalu kingorna immikkoortortaqarfimmi aqutsisoq aqqutigalugu pikkorissarnissamut peqataanissamut nalunaarlutik. Sulisut tamarmik meeraaqanut siunnersortitut ilinniarnissamut kajumissaarneqartarput, taamatut ilinniarsimangikkaangata.



2019-ip ingerlanerani sulisut sisamat meeraaqanun siunnersortitut ilinniarnertik naammassivaat. Tamatuma saniatigut supervisoritut marluk naammassipput aamma marluk aanngajaarniutit pillugit attaviattut naammassipput.

Tamatuma saniatigut Meeqqanut Ilaqutariinnullu Sullissivimmi sulisut tamarmik ataatsimut pikkorissartinneqarput. Meeqqamik oqaloqateqarneq pillugu ataatsimut pikkorissartoqarpoq, tamannalu tarnip pissusiinik ilisimatuumit Conni Gregersenimit ingerlanneqarpoq.

Akissarsiat pillugit isumaqatigiissut nutaaq

Namminersorlutik Oqartussat AK-lu isumaqatigiissusiorput Ilaqutariinnut Sullissivinni ilaqutariinnut siunnersortitut atorfillit tunngaviatigut Atorfillit Kattuffiata akornanni tunngaviusumik isumaqatigiissut tunngavigalugu akissaasersorneqalissasut. Tamanna toqqammavigalugu 2019-ip aallartinnerani sulisut ataasiakkaat ilaqutariinnut siunnersortip siornatigut isumaqatigiissutigisimasaa toqqammavigalugu AK tunngavigalugu akissaasersorneqalissanersoq Sulisoqarnermut Immikkoortortaqarfik suleqatigineqalerpoq. Taamatut suliaqarnermi siunertaavoq, naleqquttumik ersarissumillu akissaasersuisinnaanissaq, tamatumani ilaqutariinnut siunnersortit akunnerni nikerartuni sulisinnaalerniassammata - assersuutigalugu unnukkut sulisarlutik.

Napparsimalluni sulinngitsoortarnerit

Aqutsisooqatigiit immikkoortortaqarfinni tamani annerusumik patajaatsumik sulisoqartarnera maluginiartarpaat. Taamaattorli 2019-ip ingerlanerani ataasiakkaat sivisuumik napparsimaneq pillugu sulinngiffeqarnissamik nalunaaruteqartarput. Tamanna pissutigigunarlugu sulisut ilaat immikkoortortaqarfimmini sulinngiffeqartoqartarnera suliaminnut sunniuteqartartoq oqaatigisimavaat.

Neqeroorutininik nassuiaat

Immikkoortuni tulliuttuni neqeroorutit ataasiakkaat naatsumik nassuiarneqarput - tassunga ilanngullugit 2019-imi suut ukkatarineqarsimanersut.

Meeqqanut Ilaqutariinnullu sullissivik

Nuummi Meeqqanut Ilaqutariinnullu Sullissivik Holbøllsvejimiippoq, tassanilu ilaqutariit kommunimit innersuunneqarsimasut sulinneqartarput. Innersuunneqarsimanissamut piumasqaammut ilaatinneqanngilaq *Ammasumik siunnersuineq*, taanna kommunimi innuttaasunut meeralinnut tamanut neqeroorutaavoq.

BFC-mi neqeroorutigineqartartuni sullinniakkat tassaapput ilaqtariit meerartallit. Sullissinerit tamarmik (Qimarnguimmiinneq minillugu) akeqanngillat.

2019-imi decembarimi sullitat katillugit: Ilaqtariit 47-t meeqqallu 95-it, utaqqisunik allattorsimaffeqanngilaq.

Qimarnguik Krisecenter

Nuummi Qimarnguik tassaavoq arnat timikkut imalluunniit tarnikkut persuttarneqarsimasut najugaqarfifigallarsinnaasaat.

2019-imi Qimarnguimmi ataqtigiissaarisuusimasoq aamma isumaginninnermut siunnersortaasimasoq katsorsaanermi aqutsisutut atorfinitsinneqarpoq.

Ukioq 2019 tamangajaat Qimarnguimmi katsorsaanermi aqutsisup saniatigut Ivaamiit ilaqtariinnut siunnersortimit ikiuisoqarsimavoq. Taamaattorli ilaqtariinnut siunnersorti 1. decembari 2019-imiit ukioq ataaseq sulinngiffeqarpoq.

Katsorsaanermi aqutsisoq maanna tarnikkut katsorsaasutut (psykoterapeut) ilinniarpoq.

Qimarnguimmi katsorsaanermi aqutsisoq aamma ilaqtariinnut siunnersorti 2019-imi septembarimi Danmarkimi Nunani Avannarlerni Arnanik persuttaasarnermut akiuiniarneq pillugu isumasioqatigiisitsinermi peqataapput. Isumasioqatigiinnermi peqataaneq ilisimasanik nutaanik pissarsiaqarfiusimavoq.

2019-ip naalernerani 2020-mi Qimarnguuiup ineriartortinneqarnissaanut allilerneqarnissaanullu piareersarnerit aallartinneqarput.

Ivaaq

Ivaaq ulluunerani neqeroorutaavoq, tassani sullinniarneqartut tassaapput arnat naartusut atugarliuuteqartut ajornartorsiortullu kiisalu ilaqtariit mikisunik meerartallit Nuummi najugallit. Kongevejimi init nutaanngitsut 2019-imi aasaanerani Ceresvejimi ininik nutaanik nutaaliaanerusunik taarserneqarput.

Ivaami sulisut siusissukkut iliuseqarnermik kiisalu arnanik naartusunik, angajoqqaanngulersunik imaluunniit meerartaaqqammersunik pitsaaliuinermik suliaqarnermik annertuumik misilittagaqarfigaat.

2019-imi decembarimi sullitat katillugit: 93.

Ukiup naalernerani Ivaami ilaqtariinnut siunnersorti Tasiilamut Meeqqanut Ilaqtariinnullu Sullissivimmut, sulisunik amigaateqarmata, ikiuiartorluni aallarpoq.

Ivaami sulisut ilaat, BFC-mi sulisut ilaat peqatigalugit, kommunip ikiuiguasuarnissamut upalungaarsimasuinut ilaapput, tassa Kommuneqarfik Sermersuumi tassanngaannartumik ikiuiguasuarnissamik pisariaqartitsisoqaleraangat suliaqartartut.

Kuserneq

Kusernermi, najugaqatigiiffiutigaluni katsorsartinnissamut neqeroorutaasoq, sullinniarneqartut tassaapput arnat naartusut atugarliuuteqartut kiisalu ilaqtariit mikisunik meerartallit najugallit. Ilaqtariit nukissaat toqqammavigalugit katsorsaaneq ilaqtariinnut ataasiakkaanut naleqqussarneqartarpoq, tassanilu angajoqqaat meeqqap ilaqtariillu akornanni peqatigiittarnerannik, atugarissaarnerannik ineriartornerannillu isumaginninnissaannut tapersiinissaq siunertaavoq.

2019-imi aasaanerani Kuserneq, Ivaq ilagalugu, Kongevejimiit Ceresvejimut nuuppoq, tassanilu ilaqtariit maanna nutaani nutaaliaasunilu inissinneqartarput. Kusernerup nutaamik pilersinneqarneranut atatillugu katsorsaannermi aqutsisoq nutaanik najoqqutassanik katsorsaariaatsinillu pilersitsivoq, najugaqartussarlu siulleq 2019-ip aasaanerani nuuppoq. Katsorsaannermi aqutsisoq, sulisuni aqutsisunilu tapersersortigalugit, neqeroorummik nutaamik namminersorsinnaatitaalluni ilusilersuisuuvoq.

2019-imi decembarimi sullitat katillugit: Ilaqtariit 9-t - tassannga inersimasut 14-it kiisalu meeqqat 10-t.

Kusernerup nutaamik pilersinneqarnera pissutigalugu sullitat 2019-imi januaarimiit maajimut ikileriaateqarput. Sullinneqartartut katsorsarneqareeraangamik illoqarfinnut angerlarsimaffimminnut uteqqittarput.

Ilaqtariinnut siunnersortit angalasartut

Ilaqtariinnut siunnersortit angalasartut marluk ukioq aallarnerlugu ukiumut angalanissat pilersaarusiorlugit aallartippaat, taakkulu maajimi ingerlallugit aallartippaat.

Kommuneqarfik Sermersuumi ilaqtariinnik katsorsaasut angalasartut 2018-imi nunaqarfiit tamaasa sammineruaat. Taamaattumillu 2019-imi illoqarfiit tamaasa samminnerullugi. Ilaqtariinnut siunnersortit angalasartut kommunimi illoqarfinnut nunaqarfinnullu ukiut allortarlugit paarlakaallugit angalasartut.



Ilaqutariinnut siunnersortit angalasartut 2019-imi maajimi novembarimilu Ittoqqortoormiiniipput, juunimi septembarimilu Tasiilamiipput, oktobarimi Paamiuniipput kiisalu novembarimi Nuummiillutik. Ilaqutariinnut siunnersortit angalanerminni ilaqutariinnik ineriartortitsinermut tunngasunik pikkorissartitsinerit ilaqutariinnillu pikkorissartitsinerit modulunut marlunnut agguarlugit ingerlappaat.

2019-imi ilaqutariinnut siunnersortit angalasartut ilaqutariinnut cafértitsisarneq ingerlattassagaat aalajangerneqarpoq. Inuusuttut Kommunalbestyrelsiata kissaataat malillugu tamanna aalajangerneqarpoq.

Ilaqutariinnut cafértitsinermik ingerlatsineq siulleq iluatsilluannigilaq, Nuummiit, ilaqutariinnut siunnersortit angalasartut allaffeqarfianiit, illoqarfinni assigiinngitsuni ilaqutariinnut cafértitsinissamik aaqquissuussiniarneq ajornakusoorsimammat. Taamaattumik oktobarimi illoqarfinni assigiinngitsuni Meeqqanut Ilaqutariinnullu Sullissiviit illoqarfimminni ilaqutariinnut cafértitsisarnissaq akisussaaffigilissagaat aalajangerneqarpoq. Ittoqqortoormiini Meeqqanut Ilaqutariinnullu Sullissiveqanngimmat Ilaqutariinnut siunnersortit angalasartut tassani akisussaasuupput.

Aningaasaqarneq aamma allaffissorneq

Ataatsimut isigalugu BFC-p aningaasaqarnera tamakkiisumik takujuminaassinnaavoq. Tamatumunnga pissutaavoq naatsorsuutininut atortorissaarut kukkusumillu naatsorsuutininut nalunaarsuinerit pillugit teknikkikkut ajornartorsiutigineqarnera.

Assersuutigalugu BFC Nuummut ingerlatsinermut akissarsiassanullu 13,6 mio. koruunit missingersuusiariqarput. Taakkunanngali 2,1 mio. koruunit sumiiffinnut ilisarnaammut ”Tasiilaaq”-mut naatsorsuutininut nalunaarsorneqarsimapput, taannalu Tasiilami Ilaqutariinnut Sullissivimmuut tunngasuunissaa naatsorsuutigineqartariaqarluni. Kuserneq 2019-imi 3,6 mio. koorunit miss. nammineq missingersuuteqarpoq, Ivaarli taamaattoqarani, Ivaq BFC-p missingersuutaani ilaatinneqarpoq. Tassunga missingersuutit qanoq amerlatiginersut ingerlaannaq qulaajarneqarsinnaanngilaq. Naatsorsuutininut tunngatillugu qaammammut ataasiarluni immikkoortartaqarfimmi aqutsisumit akissarsiata tamakkiisut nalunaarsorneqarnerat misissorneqartarput, suliarli ajornakusoorlunilu oqimaappoq iluarsisutit nassiunneqartut eqqortumik iluarsivigineqarneq ajormata imaluunniit ingerlaannaq iluarsineqarneq ajormata. Tamanna, kiisalu Tasiilami, Paamiuni Nuummilu Ilaqutariinnut Sullissiviit ersarissumik immikkoortinneqarsimanninnerat pillugu, BFC-p aningaasaqarnikkut aqunniarnera unammillernarsinnaavoq, allaalluunniit aqunneqarsinnaanngivilluni.



Namminersorlutik Oqartussanut qinnuteqaat

2017-2018-imi ilaqutariinnut sullissivinnut ataatsimoortumik tapiissutitigut tapiissutinik aningaasaliissuteqartoqartassasoq aalajangerneqarpoq, tamatumalu kingunerisaanik nalinginnaasumik tapiissutinik qinnuteqartarneq unitsinneqarluni. Qimarnguiup ingerlanneqarneranut 50 %-iinik tapiissutinik qinnuteqartoqarsinnaavoq. Tamatuma saniatigut juullimut tunngatillugu aaqquissuussanut aningaasanik qinnuteqartoqarsinnaasimavoq.

Biilit

BFC marlunnik biileqarpoq, ataaseq Kommuneqarfik Sermersuup ilisarnaataanik ilisarnaatilik ataaserlu ilisarnaateqanngitsoq. Bilit ilisarnaateqanngitsut BFC-p 2019-ip aallartinnerani tiguai, taakkulu Qimarnguimmi sullitanut ajornartorsiutilinnut sulisunullu isumannaallisaanermut iluaqutaasunut ilaasimapput. Tassa biilip aappai pingaartumik Qimarnguimmit atorineqartarput taakku pigaartuusarmata. Biilit aappai Kusernermit atorineqarnerusarput, taakkulu assigiinngitsunut, soorlu pisiniarnernut, naluttarfiliarnernut sammisassanullu allanut, atorineqartarput. Biilit taakku marluk Qimarnguimmit Kusernermillu atorineqarnerusarmata BFC-mi sulisut biilimik amigaateqartarput. Tamatuma kingunerisaanik BFC-mi ilaqutariinnut siunnersortit piffissaq annertoq atorlugu tamanut angallassissutit atorlugit illoqarfimmi angalaartarput, assersuutigalugu ilaqutariinnut siunnersortit angerlarsimaffinnut pulaaraangata. Ilaatigut tamanna BFC-mi sulisut suliaminnik ingerlatsiniarnerninnut akornutigisarpaat, tassa pisuni ilaanni sullitat ajornartorsiuteqartut pillugit sukkasuumik iliuseqartariaqartaramik. Taamaaliorsinnaajuaannarnerli ajorput tamanut angallassissutit isumalluutigisaramikkit.

Ineriartorneq

Ukioq 2019 aallarnerlugu BFC-p sulisui SBSYS-imik, kommunip ESDH-systemianik, atuinermik pikkorissarput. Sulisut ESDH-systemimik sungiussimmata BFC nalunaarfigineqarpoq, ukiup ingerlanerani SBSYS taarserneqassasoq GetOrganized-imik. Taamaattorli GetOrganized-imik atuilernissaq kinguartiallanneqarpoq. BFC immikkoortortaqaarfiillu tassunga atasut 2020-p aallartinnerani ESDH-systemimut nutaamut atuilersinneqassapput.

Ineriartornerli kisimi ESDH-systeminut sunniuteqanngilaq. Ataatsimut isigalugu BFC-mi sullinniakkavut sullitavullu eqqarsaatigalugit BFC-mi neqeroorutitta suliniutitalu ineriartortinnissaat eqqumaffigissavagut. Inuiaqatigiit ineriartornerat malinnaaffigissavarput, maannakkullu inuiaqatigiinni sammineqartut malinnaaffigalugit, tamakkumi uatsinnut saaffiginnissutaasartunut sunniuteqartarmata. Assersuutitut taasinnaavarput 2018-imi Kalaallit Nunaata avannaani tassaarsuarnerup kingunerinut tunngasunik arlalinnik uatsinnut



saaffiginnittoqartarpoq, 2019-imilu saaffiginninnerit amerlanersaat kinguaassiutigut kannguttaatsuliornernut tunngallutik, tamatumunngalu filmimik pisimasuinnik tunngavilimmik ”Byen hvor børn forsvinder” aallakaatitsinerup kingorna inuiaqatigiit annertuumik samminninnerat pissutaagunarpoq. Taamatuttaaq 2019-imi saaffiginnissutit arlallit stressimut annilaanganermullu tunngasuupput.

Ukioq 2019 annertuumik ilikkagaqarfiuvoq, immikkoortortaqarfinnilu tamani ineriartorneq pingaarnerutinneqarpoq - suliffiup iluani aammali avataani suleqateqarnerup tungaatigut. Innuttaasut ajornartorsiutillit ikiorniarlugit tapersersorniarlugillu allat suleqatigiilernissamut soqutiginnittut malunnarpoq.

2020-mi anguniakkat

Aqutsinermi naleqartitanik pilersitsineq:

Aqutsisutut sulisut sulinerminni imminnut tatiginerulernissaannut ineriartortitsisuussasugut pingaartitsillutalu, sulisut sapigaat pillugit nakkarsaanani taakkartuinanilu.

Ataatsimut akisussaaneq:

Sulisoq, katsorsaananermi aqutsisoq immikkoortortaqarfinnilu aqutsisoq ataatsimoorlutik sulisup piginnaasaanik ineriartortinnissamik soqutigisaqarput. Taamaalilluni suliffeqarfik piginnaasaanik ineriartortitsinerup kingunerisaanik sulinerup pitsanngoriarneranik iluaquserneqassaaq, tamannalu BFC-mik atuisunut iluaqutaasussaavoq.

Kisitsisitigut paasissutissat takussutissartaat

Ammasumik, kinaassutisimik isertuussilluni siunnersuisarneq		
BFC 2019		
Saaffiginnissutit suussusai	Amerlassusaat	Pigisaq
Angajoqqaatut pisinnaasat / perorsaaneq pillugit nalornissutit	19	5,8%
Attaveqaqatigiinneq	24	7,3 %
Timikkut persuttaaneq	23	7,0 %
Tarnikkut persuttaaneq	28	8,5%
Tarnikkut oqimaaqatigiinnginneq	15	4,5%
Inuusuttuaraanermut apeqqutit	5	1,5%
Apeqqutit kinguaassiuutinut tunngasut nalinginnaasut	0	0,0%
Angerlarsimaffimmit nuukkusunneq	1	0,3 %
Inooqatigiinnermi ajornartorsiutit/aappariinnermi ajornartorsiutit	34	10,3 %
Averuserneq	0	0,0%
Avinneq	1	0,3 %
Ajunaarneq	0	0,0%



Aliasunneq (toqukkut qimagunneq) /ilaqutariit iluanni imminut toquttoqartillugu	9	2,7%
Neriutaarunneq/ qisuariarneq / imminut ajoquserneq / imminut kilertitertarneq	3	0,9 %
Qinngasaartinneq	0	0,0%
Imminut toqoriaraluarneq	6	1,8%
Imigassamik atornerluisarnerit	0	0,0%
Ikiaroorartumik atornerluisarnerit	0	0,0%
Aanngajaarniutit allat/iisartakkat	0	0,0%
Atornerluisooqataaneq	4	1,2%
Annilaanganeq	8	-2,4%
Nikallunganeq	8	-2,4%
Naartunneq/naartuersinneq	1	0,3 %
Imminut toqunnissamik eqqarsaatit	10	3,0%
Pinerluttarneq	1	0,3 %
Oqqannerit	21	6,4%
Peqatigiittarneq	3	0,9 %
Angajoqqaanit nammineertitaaneq	3	0,9 %
Ilaquttat ajornartorsiutaat)	0	0,0%
Atuarfimmi ajornartorsiutit	0	0,0%
Imminut suliarinissaq	0	0,0%
Pinngitsaalisaneq/qanigisamit kinguaassiutitigut atornerlunneqarneq/Pasitsaassaqarneq/kinguaassiutitigut kannaguttaatsuliorfigitinneq	26	7,9%
Meeqqamut kinguaassiutitigut atornerluineq	2	0,6 %
Aningaasaqarnikkut inissisimaneq	4	1,2%
Suliffissaaleqineq	5	1,5%
Meeraq inissinneqarsimasoq	0	0,0%
Ikuallattoorneq	0	0,0%
Ineqarnermut tunngasut	6	1,8%
Ilaquttanik ernummateqarneq	9	2,7%
Sumiginnaaneq	8	-2,4%
Qinngasaartinneq	0	0,0%
Timikkut nappaateqarneq	2	0,6 %
Nalaataqarnermit kingunerlutsitsineq	8	-2,4%
Illoqarfimmut nuunnerit	6	1,8%
Ilinniagaqartut	5	1,5%
Toqusoqarnera	11	3,3%
Uippakajaarneq	8	-2,4%
Ningarneq/sangianneq/sinnganeq	3	0,9 %
Saaffiginnissutit katillugit	330	100,0%

Nassuiaat: "Imminut kilertitertarneq" pillugu saaffiginnissutit nutaanut immikkoortup "Neriutaarunneq/ qisuariarneq" ataanut ukioq manna ilanngunneqarpoq.

Saaffiginnissutit amerlassusaat BFC 2019		
Saaffiginnissut	Amerlassusaat	Pigisaq
Siullermik oqaloqatigiinneq	94	51,4%
Aappassaanik oqaloqatigiinneq	39	21,3%



Pingajussaanik oqaloqatigiinneq	21	11,5%
Pingasut sinnerlugit	21	11,5%
Paasissutissiisoqanngilaq	8	4,4%
Katillugit	183	100,0%

2019-imi Kommuneqarfik Sermersuumi ilaqutariit ineriartortinneqarnissaannut pikkorissaanerit						
Illoqarfik/Bygd/Nunaqarfik	Inuit innersuussat / Innersuunneqartut katillugit	Modul I Inuit peqataasut amerlassusaat /Antal deltagere	Modul II Inuit peqataasut amerlassusaat / Antal deltagere	Unittut/stoppet	Tamanut ammasu mik siunnersuineq	Naammassisut / Naammassineqarpoq
Paamiut	14	13	6	7	0	6
Tasiilaq	18	12	9	3	0	9
Nuuk	11	11	0	6	0	12
Ittoqqortoormiit	7	6	2	4	2	2
Katillugit	50	42	17	20	2	29
Ukiukkuutaarlugit agguataarnerat Sullitat, BFC 2019						
Ukiut (ukiui allallugit)	Amerlassusaat	Aggruarnera				
18-20	8	4,5%				
21-25	10	5,6%				
26-29	17	9,5%				
30-35	22	12,3%				
36-40	36	20,1 %				
41-45	17	9,5%				
46-49	22	12,3%				
50-55	12	6,7%				
56-59	5	2,8%				
60-iniit utoqqarnut	1	0,6 %				
Paasissutissiisoqanngilaq	15	8,4%				
18-it inorlugit	14	7,8%				
Katillugit	179	100%				



Qimarnguik 2019	
Qimarnguimmi arnat %- inngorlugit	Amerlassusaat
Ullut atorneqarneri	1041
Arnat amerlassusaat	48*
Meeqqat amerlassusaat	33
Tassaniinnerup sivilissusaa agguaqatigiissillugu (ullut)	3

Nassuiaat: Arnat marluk pingasoriarlutik tassunnaqqittarsimapput - aappaa meeralik. Tamatuma saniatigut arnat marluk marloriarlutik tassunnaqqittarsimapput - aappaa meeralik aappaalu pensionisialik.

